



FEDERALNO MINISTARSTVO RAZVOJA,
PODUZETNIŠTVA I OBRTA

SMJERNICE ZA UKLJUČIVANJE U PROJEKAT

za

Projekat broj 6

"Poticaj za razvoj obrta i srodnih djelatnosti"

Maj,2022.godine

Ciljevi projekta

Poticanje razvoja obrta i srodnih djelatnosti kroz sufinansiranje troškova nabavke opreme potrebne za proširenje i osavremenjivanje poslovanja, s ciljem unapređenja obrtništva odnosno povećanja kvaliteta proizvoda i rasta zaposlenosti, pružanje mentoring usluga.

Kriteriji za izbor korisnika sredstava:

R/b	Kriterij	Način raspodjele bodova	bod
1.	Namjena ulaganja sredstava	<i>Oprema u funkciji osnovne djelatnosti</i>	10
		<i>Oprema nije u funkciji osnovne djelatnosti</i>	0
2.	Vrsta djelatnosti	<i>Područje C iz KD BiH 2010</i>	5
		<i>Ostala područja iz KD BiH 2010</i>	0
3.	Izvor/ način finansiranja - Predviđeno vlastito učešće obrta u ukupnoj vrijednosti projekta	<i>70,01 % ili više</i>	15
		<i>50,01 do 70 %</i>	12
		<i>40,01 do 50 %</i>	8
		<i>30,01 do 40 %</i>	4
		<i>30 %</i>	0
4.	Povećanje uposlenosti	<i>2 i više novouposlena</i>	10
		<i>1 novouposleni</i>	5
		<i>nisu planirani novouposleni</i>	0
5.	Broj uposlenih	<i>4 i više uposlenih</i>	5
		<i>2 do 3 uposlenih</i>	3
		<i>jedan uposleni</i>	0
6.	Pripadnost ciljnoj skupini	<i>Cilj. skupina žene</i>	4
		<i>Cilj. skupina mladi</i>	3
		<i>Cilj. skupina invalidi</i>	3
7.	Ravnomjerni regionalni razvoj /indeks razvijenosti JLS	<i>Grupa V</i>	10
		<i>Grupa IV</i>	7
		<i>Grupa III</i>	4
		<i>Grupa II</i>	2
		<i>Grupa I</i>	0
8.	Poticaji od strane FMRPO-a u posljednjih 5 godina	<i>Nije bilo poticaja</i>	35
		<i>do 5.000,00 KM</i>	15
		<i>od 5.000,01 do 10.000,00 KM</i>	10
		<i>od 10.000,01 do 15.000,00 KM</i>	5
		<i>preko 15.000,00</i>	0

Bodovanje se vrši na način prikazan u tabeli

Izbor korisnika grant sredstava vrši Komisija za odabir korisnika sredstava. Komisiju za odabir korisnika sredstava imenuje Federalni ministar razvoja, poduzetništva i obrta. Zadatak Komisije je da u skladu sa odredbama Pravilnika o postupcima u provođenju Programa razvoja male privrede ("Službene novine Federacije BiH", br. 50/13, 55/13 i 86/13) i na osnovu propisanih kriterija (navedeni u gornjoj tabeli) iz Odluke o usvajanju Programa utroška sredstava tekućih transfera i Javnog konkursa, izvrši rangiranje korisnika grant sredstava. Ukoliko zahtjevana poticajna sredstva budu veća u odnosu na planirana, Ministarstvo će raspodjelu istih izvršiti u skladu s utvrđenom rang listom do utroška planiranih sredstava.

Korisnik sredstava će biti dužan pravdati trošak ukupnih sredstava predviđenih za realizaciju projekta, kako vlastitih tako i sredstava Ministarstva, sa odgovarajućom dokumentacijom datiranom poslije dana objave Javnog konkursa odnosno 06.05.2022.godine.

Za sva neopravdana sredstva FMRPO će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti Projekta.

Korisnik sredstava ima obavezu da nabavku opreme iz Projekta kojim učestvuje u Javnom konkursu izvrši isključivo od dobavljača koji su PDV-obveznici.

Nakon obrade prispjelih prijava Ministarstvo će objaviti rezultate Javnog konkursa u "Službenim novinama Federacije BiH" i na internet stranici Ministarstva www.fmrpo.gov.ba, a podnosioci prijava se neće pojedinačno obavještavati.

Korisnici sredstava

Obrtnici koji su registrovani u skladu sa Zakonom o obrtu i srodnim djelatnostima („Službene novine Federacije BiH“ br:35/09 i 42/11) ili Zakonom o obrtu i srodnim djelatnostima u Federaciji Bosne i Hercegovine („Službene novine Federacije BiH“ br: 75/21) iz sljedećih područja Klasifikacije djelatnosti Bosne i Hercegovine – KD BiH 2010 („Službeni glasnik BiH", broj 47/10):

- C- prerađivačka industrija (osim oblasti C-10, C-23, C-25 i C-32),
- F- građevinarstvo i
- G- samo razred 45.2 popravak motornih vozila i motocikala.

Svi korisnici sredstava moraju imati sjedište na području Federacije Bosne i Hercegovine, biti registrovani najkasnije do 31.12.2020. godine, te imati najmanje 1 (jednog) zaposlenog na neodređeno vrijeme.

Korisnici poticajnih grant sredstava Ministarstva u 2021. godini po projektima „Jačanje konkurentnosti MSP-a“ i „Digitalna transformacija malih i srednjih preduzeća“ ne mogu koristiti sredstva ovog projekta.

Korisnici sredstava po „Uredbi o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19,“ iz 2021.godine, imaju pravo aplicirati za dodjelu sredstava po ovom projektu.

Sadržaj prijave

Prijava mora obavezno sadržavati:

- I. Pravilno popunjen *Zahtjev za uključivanje u projekt – elektronski popunjen*
 - Podaci o podnosiocu zahtjeva - **Popuniti sva polja u poglavlju**

II. Pravilno popunjen Obrazac projekta

- **U poglavlju 1.** - *Sažetak projekta*, ukratko opisati elemente planiranog projekta, cilj i način na koji će on doprinijeti razvoju predmetnog obrta, te da li postoji potreba za mentoring uslugama.
- **U poglavlju 2.:**
 - *Obrtnici mogu zahtjevati maksimalno 8.000,00 KM sredstava Ministarstva. Viši zahtjevani novčani iznos od dozvoljenog, znači automatsko odbacivanje zahtjeva za dalje razmatranje.*
 - ***Napomena:** Prijave podnosioca koji ne budu uskladili šifre djelatnosti sa Klasifikacijom djelatnosti KD BiH 2010 biće odbačene i neće biti predmet daljeg razmatranja. Izbor korisnika vršit će se isključivo na osnovu šifre djelatnosti iz Obavijesti o razvrstavanju poslovnog subjekta prema djelatnosti, koju izdaje Zavod za statistiku FBiH.*
 - *Podaci o nabavci opreme*, navesti tražene podatke za opremu koju namjeravate nabaviti,
 - *Učešće u realizaciji projekta*, upisati koliki iznos se finansira sredstvima ministarstva, a koliki vlastitim učešćem.
- **U poglavlju 3.** – *Ukoliko ste zainteresovani za mentoring usluge¹ stručnih konsultanata staviti kvačicu u ponuđenom kvadratu.*
U skladu sa dostupnošću mentora i konačnoj rang listi, biće odabrano 10 subjekata male privrede, kao korisnika mentoring usluga u vrijednosti od 2.000 KM. Dobivena sredstva u svrhu korištenja mentoring usluga subjekti su u obavezi uplatiti organizaciji koja pruža mentorske usluge.
- **U poglavlju 4.** – *Period implementacije projekta*, naveden je vremenski period u kojem će se projekat realizovati – maksimalno 6 mjeseci.
- **U poglavlju 5.** – *Povećanje uposlenosti*, navesti plan koliko novih radnika je predviđeno uposliti realizacijom ovog projekta, što nije obavezno.

Na kraju dokumenta obavezno navesti mjesto, datum i potpis odgovorne osobe, te staviti otisak pečata obrta.

¹ Mentoring je sveobuhvatan proces podrške subjektima male privrede, a predstavlja zajednički rad mentora i subjekata male privrede u cilju prevazilaženja izazova i nalaženja najpovoljnijih rješenja za buduće poslovanje. Kroz ovaj pristup, subjekti će primiti ravnomjernu, vremenski raspoređenu kontinuiranu podršku, radi postizanja što boljih rezultata.

Proces mentoringa odvija se prema metodologiji Ministarstva, razvijenoj u saradnji sa Japanskom agencijom za međunarodnu saradnju (JICA). Metodologija određuje korake u procesu u okviru kojeg stručno lice-mentor, u direktnom kontaktu i radu sa subjektom male privrede, provodi određeni broj sati (najviše do 50 sati po korisniku). Odgovorno lice i mentor zajedno analiziraju: aktuelno poslovanje, trenutne izazove u cilju daljeg razvoja, najvažnije potencijale, te na osnovu konstatovanog stanja mentor i korisnik mentoring usluge pripremaju plan/projekat razvoja.

Potrebna dokumentacija

- Rješenje o registraciji od nadležnog općinskog organa, usklađeno sa Zakonom o obrtu i srodnim djelatnostima ("Službene novine Federacije BiH", br.: 35/09 i 42/11) ili Zakonom o obrtu i srodnim djelatnostima u Federaciji Bosne i Hercegovine („Službene novine Federacije BiH“ br: 75/21);
- Uvjerenje o poreznoj registraciji (ID ili PDV broj)
- Obavijest o razvrstavanju subjekta prema klasifikaciji djelatnosti - (Zavod za statistiku_KD BiH 2010)
- Uvjerenje od Porezne uprave Federacije BiH o izmirenim obavezama po osnovu poreza i doprinosa, **sa brojem ili listom osiguranih osoba za obveznika**
- Uvjerenje o izmirenim obavezama po osnovu PDV-a (ukoliko je PDV obveznik)
- Specifikacija za utvrđivanje dohotka od samostalne djelatnosti (Obrazac SPR-1053) za 2021.godinu
- Potvrda o prebivalištu za vlasnika obrta (CIPS)
- Uvjerenje o invalidnosti od nadležnog organa (ukoliko je vlasnik invalid)
- Izjava o realizaciji projekta (I - 1)
- Izjava o neosuđivanosti i nevođenju postupka po osnovu privrednog kriminala (I - 2)
- Izjava o nesudjelovanju u koruptivnim radnjama (I – 3)
- Izjava o korištenim pomoćima male vrijednosti (I - 4)

Navedenu dokumentaciju potrebno je priložiti uz Zahtjev za uključivanje u projekat - obrazac projekta, složenu po datom redoslijedu.

Svi dokumenti trebaju biti izdati od strane nadležnih organa. Priloženi dokumenti ne smiju biti starija od 3 (tri) mjeseca od dana objavljivanja Javnog konkursa u "Službenim novinama Federacije BiH", izuzev rješenja o registraciji, uvjerenja o poreznoj registraciji, obavijesti o razvrstavanju subjekata prema klasifikaciji djelatnosti, obrasca SPR-1053. Sve priložene kopije dokumenata trebaju biti ovjerene od strane nadležnih organa ovjerom ne starijom od 3 (tri) mjeseca od dana objavljivanja Javnog konkursa u "Službenim novinama Federacije BiH".

Obrasci izjava

Sve Izjave sa tekstom koje je sačinilo ovo ministarstvo trebaju biti čitko popunjene i potpisane od strane odgovorne osobe – podnosioca zahtjeva.

Izjava I-1 i Izjava I-4 ovjerene pečatom firme.

Izjava I-2 i Izjava I-3 ovjerene od strane nadležnih upravnih organa ili notara.

Način podnošenja prijave

Prijave sa odgovarajućom dokumentacijom, šalju se preporučeno poštom u zapečaćenim kovertama na adresu:

**Federalno ministarstvo razvoja, poduzetništva i obrta
dr. Ante Starčevića bb (Hotel „Ero“) 88000 Mostar,
Ne otvarati – po Javnom konkursu za Projekat br. 6**

Na poleđini koverta obavezno navesti:

- **naziv podnosioca prijave;**
- **adresu i kontakt telefon;**
- **ovjeriti pečatom podnosioca prijave.**

Prijave se dostavljaju zaključno sa 31.05.2022. godine (utorak) odnosno prihvatit će se sve prijave koje imaju poštanski pečat najkasnije sa navedenim datumom.

Prijave će biti odbačene i neće biti predmet daljeg razmatranja ako:

- su neblagovremene,
- nemaju sve sadržajne elemente,
- ne ispunjavaju uslove ovog Javnog konkursa,

Pravo učestvovanja

Korisnici poticajnih sredstava koji do završetka ovog Javnog konkursa nisu izvršili svoje ranije preuzete obaveze po osnovu korištenja poticajnih sredstava Ministarstva, nemaju pravo učešća na ovom Javnom konkursu odnosno njihove prijave se neće uzeti u razmatranje.

Pravo na učešće i dodjelu finansijskih sredstava se može ostvariti samo po jednom Javnom konkursu koje raspisuje ovo Ministarstvo u tekućoj godini (kredit ili grant).

Podnosioci prijava mogu podnijeti prijavu samo po jednom projektu iz ovog Javnog konkursa. U slučaju više prijava istog podnosioca po istom ili različitim projektima sve prijave će biti odbačene i neće biti predmet daljeg razmatranja.

Nisu prihvatljive prijave subjekata male privrede koji imaju registrovanu djelatnost u oblasti namjenske industrije, proizvodnje i prerade duhana i igara na sreću.

Napomena

Za korisnike poticaja koji su preuzeli obavezu upošljavanja novih radnika, kao dokaz izvršene obaveze upošljavanja, koristit će se razlika brojanog stanja radnika u trenutku podnošenja izvještaja o realizaciji utroška dodijeljenih finansijskih sredstava i trenutku prijave na Javni konkurs.

Za korisnike poticaja koji nisu imali obavezu upošljavanja novih radnika, obavezno je zadržati broj uposlenih do trenutka podnošenja izvještaja o realizaciji utroška dodijeljenih finansijskih sredstava, što se dokazuje Uvjerenjem od Porezne uprave Federacije BiH o izmirenim obavezama po osnovu poreza i doprinosa, sa brojem ili popisom osiguranih osoba.

Sa podnosiocima prihvaćenih prijava Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

Podnosioci prijava čije se prijave odbace, mogu uložiti prigovor Ministarstvu u roku od osam dana od dana objave rezultata Javnog konkursa u "Službenim novinama Federacije BiH", radi provjere činjenica i objektivnosti ocjene aplikacije.

Sve dodatne informacije vezane za ovaj Javni konkurs mogu se dobiti isključivo putem elektronske pošte, najkasnije 7 dana prije isteka roka za podnošenje prijava na adresi: grant2022@fmrpo.gov.ba.